

寧都直隸州志卷二十三

廣德劉棲鸞丙纂輯
太平梁棲鸞

寓賢志 流寓附

寧都州

文天祥吉水人宋末徵兵勤王由興國抵陽都懷德鄉陳坑邑人從天祥起義兵者凡六大姓分見人物志列傳從辛

酉志武事志增

楊士奇泰和人徵時教學邑之上鄉樸訥寡言笑村塾頗輕侮之主人曰楊先生公輔器也豈可以貧賤忽之益加

寧都直隸州志

卷之二十三

寓賢志州

一

敬禮厚俸以贈其歸後以史才薦入翰林位至華蓋殿大學士加少師辛酉志

羅近溪建昌人遊陽都所愛巖洞山水咸留題咏與賴蒙

巖李巖泉輩講學相契甚殷辛酉志

鄒元標自吉州徒步假日者術至邑訪盧太常達杯酒盤蔬談論彌日人不知也辛酉志

愚者僧自廬山遊金精探奇石釣桃泉善眞草大小書得者寶貴之與易堂諸子相結而去辛酉志

楊廷麟清江人明末督兵入贛過陽都主楊燧家偕燧從子文琦州人曾嗣宗彭錕等往及贛城陷俱殉難

□清

林時益字確齋南昌諸生師事歐陽斌元與彭士望爲友先是父統鑄明宗室也以崇禎丁丑進士令江夏嘗修城支帑數萬金黠吏匿其籍時益覲縷追憶條寫而目筭之無所爽吏驚以爲神於是兵戈未靖奔走避地彭士望與言魏禧兄弟之賢金精諸山竒秀豁目乃變姓名攜家依之康熙七年

詔明故宗室子孫衆多竄伏山林者還田廬復姓氏時益久客陽都弗樂歸卜居冠石傭田而耕非其力不食子楫孫門人吳正名任安世任瑞帶經負鋤讀書聲若出金石冠石

寧都直隸州志

卷之二十三

寓賢志

二

宜茶時益以意製茶香味獨異所稱林芥是也工行草書善地理性好苦酒飲輒頽然喜爲詩著冠石詩集五卷

見贛

郡志

彭士望字達生號躬菴南昌縣諸生英姿卓犖少奉父命師事漳浦黃公道周適黃公以事被逮士望閱邸抄見道周平臺召對語拊几嘆曰鐵漢也眞士望師於是裹糧行謁傾身營護周旋緹騎慷慨不撓公卿咸敬之歲甲申同林時益徙居陽都冠石與邱維屏魏際瑞魏禧魏禮李騰蛟曾燦彭任爲性命交砥礪名節暇則詩文徃來士望尤以躬行爲本名其所著文曰恥躬堂集鄉人有死節者其

子幼被掠士望傾囊贖爲娶婦其急風義類如此卒年七十六子三厚惠厚本曰堅皆知名士遂隸陽都籍

見贛郡志

吳參字竟魯貴池人父尊周崇禎末武進士史可法在淮南特授副總兵叅左良玉軍旋棄官遯迹不與家人聞或傳其在南嶽參徃求之不得乃變姓名爲姬適字秉季尋父足跡幾半天下尊周故與南昌彭士望有舊參喪偶子正名方數齡托士望鞠之而身跳江湖南朔間期必得父旣無所遇乃從士望於陽都躬耕冠石終身不再娶絕嗜慾不苟言笑有志於理學著裏言一編晚而之杭與所謂河渚三君子者應嗣寅沈甸華陳際叔相友善乙卯秋卒

寧都直隸州志

卷之二十三

寓賢志

三

於杭正名廬墓三年復歸陽都刻苦篤行以文學爲李騰蛟魏禮高坐弟子著有郭言吳子七篇原地印浦堂詩文

集

見贛郡志

任安世字道援九江人同兄子瑞字幼剛以世爵宜襲衛指揮棄弗就來陽都從易堂諸子遊兩人皆以武力聞而安世尤短小精悍躬耕東巖或負販吳楚間以其贏資給士望諸人匱乏嘗單刀禦劇賊數十人擊殺渠魁餘衆披靡瑞客吉安某村值馬寶兵出其地人懼不免瑞曰無恐率其父老以牛酒犒師大言曰將軍舉大事將賓服海內乎抑欲以鄉國逞也今日之事洗城洗村無不可恐從此

無有稽首顏行者矣寶聽其言敕所部納刃壯瑞欲與俱
瑞給寶曰母在政身未敢許人也寶弗能強其機警能自
持如此嘗言馬寶雖作賊其壁壘設施固可觀韓大任行
尸也其氣盡矣魏禧舉博學宏詞以疾辭當事敦逼不得
已詣會城攜安世行禧卧竹筐中懷藥語安世曰吾此行
不獲請必引決以骸骨累君平昔多患難相恤吳正名爲
作二任傳見贛郡志

柴紹炳字虎臣仁和人少竒敏博學工詩中年潛究關閩
濂洛之學嘗從父任過陽都與曾燦魏禧兄弟遊以躬行
實踐爲歸結廬白茅峯有終焉之志後以葬父歸里辛酉志仁

寧都直隸州志

卷之二十三

寓賢志

四

和縣志

八大山人者前明之宗室也隱姓名號雪箇山人後持八
大人覺經又號八大山人工書畫皆勁健古秀不染煙火
氣嘗遊盱江至 寓累月邑人爭禮之所遺筆墨眞蹟至
今寶貴

陳之蘭字謙儒臨川人大士四世孫也沈潛理學乾隆丙
辰丁巳講學於太平鄉謝坊村州人楊令琢謝安迎從遊
將行門人以中庸疑義請因作中庸闡義學者爭相傳寫
令琢遂付梓與所著香國集並行於世

王謨字仁圃撫州金谿人邃經學族人沐官陽都教諭謨

來遊學者慕之從辨難多所訂正

瑞金縣

蘇軾字子瞻坐元祐黨紹聖初安置英州改徙廣東惠州
取道瑞金寓城南東明觀有詩縣志

按東坡先生赴惠時往返俱未取道瑞金辨見縣志藝

文志

羅洪先號念菴字達夫吉水人因論東宮朝儀罷歸遍遊
名山大川往來瑞金陳石諸名勝多有留詠縣志

黎士宏字愧曾福建長汀人陝西叅政與邑人楊長世謝
怡古楊永植等及僧采若相友善往來留寓題咏甚多縣志

寧都直隸州志

卷之二十三寓賢志

五

皇清

魏禮字和公陽都人與邑人楊以兼交厚每寓適園輒數
月題咏載藝文志縣志

曾傳燦字青藜陽都人與邑人楊以兼交厚寓楊家祠縣志

方正玉字苞羽桐城人信豐知縣康熙間解組遊縣寓居
縣署多唱酬縣志

楊玠字承玉卽墨人贛縣知縣康熙間解組寓縣與邑人
楊枝遠有唱和詩縣志

朱嗣韓字仰山撫州金谿人工詩文舉業尤精確雄悍趙
鹿泉先生稱其不讓章羅諸公嘗教學瑞金從遊者始知

文章有真晚成進士官戶部主事

石城縣

傅冠字子京號寄庵進賢人天啟二年壬戌進士第二授翰林編修累官禮部尚書兼東閣大學士因罪放歸己五死節汀州初舉孝廉嘗遊學石城聯坊主人溫養真延爲經師館屏山冠至信宿牖榻下皆產芝里人異之手書屏山別業四字石匾并記今存

縣志見贛郡志白省志人物

俞塞字吾體號大剛歙縣人少讀書講道不應舉鄉邦以學行宗之明末棄家出遊足跡半江以南抵石城住東門城樓戍卒憎其哦詩聲却之乃僦居山寺董令應譽聞賓寧都直隸州志

卷之二十三

寓賢志石城

六

留不可餽以金弗受惟詩文往還邑中人士多就教者未幾入閩海不知所終

縣志見贛郡志通志

皇清

伍達行字拓公南昌人崇禎己卯舉人授經石邑肆力歐蘇放縱排彘成一家言雩都易學實素以文章自雄遇達行於章貢間乃心折一時稱同榜二大家

縣志見贛州名宦志

宋昌圖字道原雩都人究心程朱之學期於躬行實踐同懷弟名華國官石城教諭學者多從昌圖授經與人晉接無論識不識有過必面糾爲合邑所敬畏